

O Xurado Provincial de Clasificación de Montes Veciñais de Pontevedra, dictou a seguinte **RESOLUCION**:

ASISTENTES

PRESIDENTE

D. José Luis Díez Yáñez.
(Delegado Provincial da Consellería de Medio Ambiente).

D. Luís Mª Muíños Vidueira.

(Letra da Asesoría Xurídica da Xunta).

D. Teodoro Arribas Serrano

(Xefe do Servicio de Montes e Industrias Forestais).

**VOCALIS REPRESENTANTES DA
PARROQUIA DE SANTA CRISTINA DE
LAVADORES DO CONCELLO DE VIGO.**

D. Abdón Escariz Vázquez.

D. José Antonio Domínguez Fernández.

D. Emilio Pazos González.

D. Manuel Rodríguez Costas.

**VOCALIS REPRESENTANTES DA
PARROQUIA DE CABRAL DO CONCELLO
DE VIGO.**

D. Calixto Escariz Vázquez.

SECRETARIA

Dª. Mª José León Gómez.

(Xefe do Servicio Técnico-Xurídico da
Delegación de Medio Ambiente).

Na cidade de Pontevedra, sendo as dezasete horas do día vinte de xuño do 2001, coa asistencia das persoas á marxe reseñadas, reúnese na 3ª planta do edificio sito no nº 47 da rúa Benito Corbal o Xurado Provincial de Clasificación de Montes Veciñais en Man Común ó obxecto de decidir sobre a clasificación dos montes da parroquia de Santa Cristina de Lavadores do concello de Vigo.

ANTECEDENTES DE FEITO

PRIMEIRO.- Por D. Jerónimo Escariz Vázquez, solicitouse en data 07/04/92, a iniciación dos trámites para a clasificación como veciñais en man común de varios montes sitos na parroquia de Santa Cristina de Lavadores do concello de Vigo.

SEGUNDO.- O Xurado Provincial de Clasificación de Montes Veciñais na súa reunión de data 23/07/92 acordou iniciar os trámites para a clasificación do monte Meixoeiro,

pertencente á parroquia de Lavadores, así como a remisión do expediente ó Servicio de Montes e Industrias Forestais da entóns Delegación Provincial de Agricultura, Gandería e Montes de Pontevedra para o seu estudo e informe.

TERCEIRO.- En sesión de data 22/07/98, o Xurado adoptou o acordo de nomear a D. Serafín Quinteiro Blanco Ponente do expediente de clasificación.

CUARTA.- Cumprida e observada a tramitación legal e regulamentariamente esixida, no preceptivo trámite de audiencia presentouse unicamente a Comunidade de montes veciñais en man común de Cabral por problemas de lindes entre parroquias, problema que quedou resolto pola acta de deslinde entre ámbalas dúas parroquias presentada o 15 de setembro do 2000.

QUINTO.- Por acordo do Xurado na reunión celebrada en data 29/11/00, e como consecuencia do cese a petición propia do Ponente nomeado, noméase novo Ponente a D. Teodoro Arribas Serrano.

SEXTO.- Visto o informe preceptivo do Servicio de Montes e Industrias Forestais, e efectuada visita ó terreo, os montes con aproveitamento veciñal da parroquia de Santa Cristina de Lavadores redúcense ós seguintes:

NOME DO MONTE: "Lavadores Norte".

CABIDA: 0,40 Has. aproximadamente.

LINDES:

NORTE: Estrada local e camiño veciñal.

SUR: Centro de Formación Profesional Paz Andrade.

LESTE: Estrada vella de Madrid.

OESTE: Camiño e Centro de Formación Profesional Paz Andrade.

NOME DO MONTE: "Lavadores Sur".

CABIDA: 2,40 Has. aproximadamente.

LINDES:

NORTE: Encrucillada das estradas vellas de Madrid e de Fontiñas.

SUR: Campo de fútbol municipal.

LESTE: Estrada de Fontiñas, desguaces Mingos e parroquia de Cabral.

OESTE: Centro Formación Profesional Ricardo Mella e estrada vella de Madrid.

FUNDAMENTOS DE DEREITO

1.- O Xurado Provincial de Clasificación de Montes Veciñais en Man Común ten a competencia para coñecer os expedientes de clasificación dos montes que teñan tal carácter a tenor do establecido no artigo 9 da Lei 13/1989, do 10 de outubro, de montes veciñais en man común.

2.- Trátase de dúas parcelas ben delimitadas, que os vecinos declaran vir aproveitando desde tempo inmemorial, consuetudinariamente en réxime de comunidade.

3.- De conformidade co establecido no artigo 1 da Lei 13/1989, do 10 de outubro, de montes veciñais en man común, así como no artigo 1 do Decreto 260/1992, do 4 de setembro, cómpre entender por montes veciñais en man común "... os terreos radicados na Comunidade Autónoma de Galicia que, con independencia da súa orixe, as súas posibilidades productivas, o seu aproveitamento actual e a súa vocación agraria, pertencen a agrupacións veciñais na súa cualidade de grupos sociais e non como entidades administrativas, e os veñan aproveitando consuetudinariamente en réxime de comunidade, sen asignación de cuotas, os membros daquelas na súa condición de veciños".

Así, según abondosa xurisprudencia, o feito que xustifica a clasificación ou non como veciñal dun determinado monte, en vía administrativa, é a circunstancia de terse ou non demostrado o aproveitamento veciñal de feito de dito monte por parte dos vecinos. No presente caso, toda vez que no informe preceptivo realizado polo técnico competente, maniféstase a realidade de dito aproveitamento veciñal, queda así efectivamente acreditado que ámbolos dous montes cumpren suficientemente o recollido no artigo 1 da Lei 13/1989, do 10 de outubro, de montes veciñais en man común, proponiéndose a súa clasificación con tal carácter.

En consecuencia, vista a Lei galega 13/1989, do 10 de outubro, de montes veciñais en man común, e o seu Regulamento aprobado por Decreto 260/1992, do 4 de setembro, e demais preceptos legais e regulamentarios de xenérica e específica aplicación ó caso examinado, próponse polo Instructor e de maneira unánime o Xurado **ACORDA:**

Clasificar como veciñais en man común a favor dos veciños da parroquia de Santa Cristina de Lavadores do concello de Vigo os montes "Lavadores Norte" e "Lavadores Sur" por terse demostrado, no curso do expediente, o aproveitamento veciñal de feito en réxime de comunidade sen asignación de cuotas polos vecinos da parroquia e reunir os requisitos establecidos no artigo 1 da Lei 13/1989, do 10 de outubro, de montes veciñais en man común, correspondéndose coa planimetría elaborada ó efecto polo Servicio de Montes e Industrias Forestais que forma parte inseparable da presente Resolución, e de acordo coa descrición, cabida e lindes sinalada no antecedente de feito sexto.

Por parte dos representantes da parroquia de Lavadores manifestase a súa disconformidade coa clasificación efectuada.

Contra a presente Resolución que poñe fin á vía administrativa, poderase interpoñer recurso de reposición con carácter potestativo ante o Xurado Provincial de Clasificación de Montes Veciñais en Man Común de Pontevedra no prazo dun mes, ou ben interpoñer directamente recurso contencioso-administrativo ante o Xulgado do Contencioso-Administrativo de Pontevedra no prazo de dous meses contados desde o día seguinte ó da presente notificación, de acordo co disposto nos artigos 109 e 116 da Lei 30/1992, do 26 de novembro, de Réxime Xurídico das Administracións públicas e do Procedemento Administrativo Común, e nos artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa.



[Handwritten signatures and initials]

Loic Dominguez

[Signature]

CLASIFICACION DOS MONTES NOMEADOS "LAVADORES NORTE" E "LAVADORES SUR", COMO MONTES VECIÑAIS EN MAN COMUN DOS VECIÑOS DE SANTA CRISTINA DE LAVADORES, CONCELLO DE VIGO (PONTEVEDRA).

SITUACIÓN

PLANO Nº 1
SITUACIÓN
ESCALA 1 : 25.000
PONTEVEDRA, 20 DE XUÑO DO 2.001

Rexenxo

CLASIFICACION DOS MONTES NOMEADOS "LAVADORES NORTE"
E "LAVADORES SUR", COMO MONTES VECINAIS EN MAN COMUN
DOS VECIÑOS DE SANTA CRISTINA DE LAVADORES, COCELLO
DE VIGO (PONTEVEDRA).

PLANO Nº 2
PLANTA XERAL
ESCALA 1 : 5.000
PONTEVEDRA, 20 DE XUÑO DO 2.001



1.MONTE LAVADORES NORTE
CABIDA APROX. = 0,40 Has.

2.MONTE LAVADORES SUR
CABIDA APROX. = 2,40 Has.

